



OTHO II. ex Othone patre & Adelheida coniuge  
 lim Lotharij regis, imperij diademate patre adhuc super-  
 stite cinctus. Adulescens Nicephorum Constantinopolita-  
 num, regno pulsum, restituit, accepta in matrimonium The-  
 ophania, eiusdem sorore, deinde Henricum Bauariæ du-  
 cem domuit, contraq; Lotharium regem Francorū, qui  
 Lothoringiam uēdicauit, arma mouit, & euastatisq; agris  
 dum reuertitur ad Isaram fluuium atrocissime utriq; est  
 pugnatum. Mox audita fama Sarracenos Calabriā repeti-  
 isse aduolat, at infeliciter cōgressus superatur, uixq; sca-  
 pha elapsus Romam tandem uenit, et Beneuentum (ut de-  
 sertores) incendit. Haud multo post Romæ moritur, & in  
 basilica diui Petri sepelitur, anno imperij. xi. relictis post  
 se liberis Othone filio, & tribus filiabus.